

**2 abril-2017**

## **PALABRA DE DEUS**

- **EZEQUIEL 37, 12-14:** *Poñerei o meu espírito en vós e viviredes.*
- **SALMO 129: R/.** Do Señor vén a misericordia, a redención cumprida.
- **ROMANOS 8, 8-11:** *O espírito do que resucitou a Xesús de entre os mortos habita entre vós.*

• **XOÁN 11, 3-7. 17. 20-27. 33-45 (breve): *Eu son a resurrección e a vida.***

**Narrador:** Naquel tempo, as irmás de Lázaro mandáronlle recado a Xesús dicindo:

**Marta:** -«*Señor, o que ti amas está enfermo*».

**Narrador:** Cando Xesús chegou, Lázaro levaba xa catro días enterrado. Cando Marta se decatou de que chegaba Xesús, saíu ao seu encontro, mentres María quedou na casa. E díxolle Marta a Xesús:

**Marta:** -«*Señor, se tiveses estado aquí non morrería meu irmán. Pero aínda agora sei que todo o que pidas a Deus, Deus hacho conceder*».

**Narrador:** Xesús díxolle:

**Xesús:** -«*Teu irmáns resucitará*».

**Narrador:** Marta respondeulle:

**Marta:** -«*Sei que resucitará na resurrección no último día*».

**Narrador:** Xesús replicoulle:

**Xesús:** -«*Eu son a resurrección e a vida: o que cree en min, aínda que teña morto, vivirá; e ol que está vivo e cre en min, non morrerá para sempre. Cres isto?*».

**Narrador:** Ela contestoulle:

**Marta:** -«*Si, Señor: eu creo que ti es o Cristo, o Fillo de Deus, o que tiña que vir ao mundo*».

**Narrador:** Xesús véndoos chorar, apertóuselle o corazón e, profundamente conmovido, preguntou:

**Xesús:** -«*Onde o puxestes?*».

**Narrador:** Contestáronlle:

**Xudeus:** -«*Señor, ven ver*».

**Narrador:** Xesús botouse a chorar. Os xudeus comentaban:

**Xudeus:** -«*Ai que ver como o quería!*».

**Narrador:** Díxolles Xesús:

**Xesús:** -«*Arredade a pedra*».

**Narrador:** Entón quitaron a pedra. Xesús, erguendo os ollos a lo alto, dixo:

**Xesús:** -«*Pai, douche grazas porque me escoitaches eu sei que ti me escoitas sempre; pero dígoo pola xente que me rodea, para que crean que ti me enviaches*».

**Narrador:** E dito isto, gritou con voz potente:

**Xesús:** -«*Lázaro, ven para fóra*».

**Narrador:** O morto saíu, os pés e as mans atados con vendas, e a cara envolta nun sudario. Xesús díxolles:

**Xesús:** -«*Desatádeo e deixádeo andar*».

**Narrador:** E moitos xudeus que viñeran á casa de María, ao ver o que fixera Xesús, creron nel.

*Palabra do Señor. (Narrador – Marta – Xesús - Xudeus)*

## Posibles ideas para unha homilía con nenos

Na Coresma descobre a Xesús.  
É VIDA: fonte de vida e de resurrección.

### 1. VER: Estamos un pouco cegos

- **Estamos na primavera e descubrimos** a vida que esperta, que brota: flores, plantas ... Ao noso ao redor descubrimos vidas que nacen ou van crecendo: plantas, animais, persoas ... Vemos incluso xermolar un gran en terra ata que dá froito. ***A vida é bela! A vida está che de posibilidades*** ... Hai con todo quen a malgasta.

***Como xermolan as plantas? Que é malgastar a vida?***

### 2. XULGAR: Xesús, es fonte de VIDA e de resurrección.

- **No 5º domingo de Coresma** poñemos a letra “S” de Xesús que é VIDA, fonte de vida e de resurrección.
- No evanxeo deste domingo **Xesús resucita a Lázaro**: O encontro de Marta e María con Xesús leva á resurrección de Lázaro e a aos que crean nel. Di á súa irmá Marta: - ***“Eu son a resurrección e a vida: o que cre en min, aínda que morra, vivirá; e o que está vivo e cre en min, non morrerá para sempre. Cres isto?” Ela respondeu “creo, Señor”.*** Que proceso houbo ata aí?

***Que proceso houbo ata aí?***

### QUE NOS QUERE DICIR XESÚS?

Que acudamos a El, o gran Médico, para que ...

**1. Nos axude a valorar e gozar a vida** coas súa posibilidades: *utilízaa ben, vívea a tope, compártea.*

**2. Nos regale a vida da fe** como a Marta e María:

\*Se lle dicimos “Si, creo”, el daranos a fe, a vida interior, a vida divina, a graza.

\*El é o Médico divino que nos sanda dos nosos pecados.

\*Fainos transfusións de Vida nova na oración, eucaristía, reconciliación, en comunidade ...

\*El é a Vida plena se poñemos a nosa nas súas mans.

### 3. Nos regale a vida máis allá da morte, nos resucite.

\*Lázaro reviviou, volveu vivir a esta vida e pasado un tempo volveu morrer. **Xesús resucitou** e comezou a vivir unha vida nova. **Xesús quérenos resucitar tamén a nós** a unha vida nova chea de alegría, de paz de felicidade, xunto ao Pai para sempre. Só sabemos dela que unha vida nova e que el a regala aos seus amigos. Un exemplo: o gran que empeza a xermolar ata dar froito. Para que Xesús nos resucite, nos dea a vida nova **é imprescindible** ser amigos de Xesús, seguilo, querelo ... Esas son as sementes da resurrección.

***Coidas a túa vida interior? Como? Acodes a el? Que queres que faga por ti Xesús? Que me está pedindo hoxe Xesús?***

### **3. ACTUAR: Déixate revitalizar por el**

- Agradece a Deus toda a vida que che regalou. Poñede nun mural a un lado todas as posibilidades que vos dá ...
- Organizade un momento de oración e para iso metede nunha bolsa unhas sementes para cada neno e un recipiente onde botar as de todos. Pensade cada un que sementes de vida queredes sementar..E imos pedindo ao Señor que nos axude a sementar a semente de ... Ao final dicimos todos: “ofrecémosche unhas sementes que representan a nosa fe en Xesús resucitado e a esperanza na nosa resurrección.

#### *Xesús, bendí as sementes de vida*

Señor da Vida, que puxeches en nós as sementes máis fermosas.

Queremos coidalas, axudalas a crecer para que se convertan en froitos de amor, de comprensión e esperanza.

Señor da vida, dámosche as grazas por toda a riqueza que depositaches no noso interior.

Sentimos como crece xunto a Ti a nosa ilusión, a nosa forza e alegría.

Sentímonos vivos e queremos compartir con todos as nosas sementes de Vida e Resurrección.

Señor da Vida, contempla con amor a cunca da nosa vida e bendí as nosas sementes.

Grazas divino creador polas posibilidades que nos deches e que temos que gozar e aproveitar.

Renova en nós a vida da graza recibida no bautismo, a túa vida divina, e que un día vivamos contigo a vida eterna